

四庫全書

集部

欽定四庫全書

西菴集卷七

明 孫賁 撰

七言絕句

紅菊

龍山九日宴斜曛
萬朶秋香散彩雲
醉岬綸巾對芳物
西風應識舊參軍

靈均且莫怨清醒
楚水朝雲炫落英
宿酒未平佳節過

西風吹帽最多情

墨菊

熹微衡宇露初乾
九月江南動早寒
肺氣暫平新斷酒
天香零落醒中看

三徑松門掩翠蘿
白鷗飛去曉霜多
天隨艇子無人共
寥落寒香奈爾何

紅梅

瑤池王母閭風西
夜晏羣仙錦繡幃
月落參橫天向曙

醉騎丹鳳繞湖歸

丹青學寫壽陽姿
艷杏仙花嫩柳枝
猶記醉邀何水部
淮西歌吹舊臺池

墨竹 九首

洞庭春盡水溶溶
錦瑟輕寒起卧龍
行客欲投蒼水佩
亂雲遮斷九疑峯

誰拈秃筆寫淒迷
亂石橫江碧玉低
猶記畫船初泊岸
落花時節郭公啼

虹光雲影綠參差
赤壁餘舸晚更移
春雨乍晴燒玉版
鮓魚上水鰕魚肥

陽雲臺下曲江頭
一徑笙簫萬頃秋
莫向晚涼歌白紵
碧叢深處有鉤輈

秋寒萬玉倚雲青
青入君山白鳳翎
偷得雲和千載曲
夜深吹與老龍聽

昨夜春雷震楚山
籀龍驚覺錦斑斑
峨眉老客禪心在
應化橫江老鶴還

巖上烟消見日光
歌聲遙隔水雲鄉
漁翁莫汲清湘綠
留取高枝宿鳳凰

澧水春陰午未消
寒梢低護木蘭橈
天涯風物餘空翠
應是英皇淚點飄

歲蕤萬玉曉撐風
應是清溪野水東
更畫接離顛倒著
嫩涼添我綠陰中

王孫圖

二首一揆
彈一聽鳥

誰拈金彈倚青驄
鞍面開元結束同
好似華清二三月

金
綠陰籠仗入離宮

東風馳道直如絃琪樹春陰護馬羈從幸少年初賜錦
數聲啼鳥落花前

宣和樹木翎毛

上林芳樹藹崇宣澹墨踈翎膩粉牋何似白榆棲凍雀
蕭蕭風雪滿初連

折枝桃花圖

扁舟獨上武陵溪花暗漁郎路欲迷忽見畫圖驚一載

東風憔悴一枝低

桃花白練

沅江江口武陵溪翠影紅香粉翅低為向東風煩寄語
莫將春色到安西

楊妃出浴

浴罷溫泉體未乾斂襟非為玉肌寒伊誰一搥痕猶在
只恐三郎著眼看

楊太真對鏡圖

舞鸞金背隱清光中有開元墮馬粧
一線枕痕春色淺
夜來知是夢漁陽

梨園按樂

白雪飛香玉作城霓裳度曲按新聲
東風吹醒漁陽夢
一段春愁畫不成

村姬牛圖

玉環迷恨馬嵬坡出塞明妃淚更多
何似阿婆牛背穩
春風一曲太平歌

昭君

五首

莫怨嬋娟墮朔塵
漢宮蕃地一般春
皇家若起凌煙閣
功是安邊第一人

曉來毳帳理鉛華
對鏡偷憐復自誇
如此玉顏君不顧
更從何處選良家

閭闔龍鱗開玉陸
嫖姚馬影度旌旗
誰憐漢道昇平日
是妾漂流薄命時

回使殷勤莫寄辭
君王此去苦相思
容華自昔能傾國

只為風沙遠別離

玉顏啼淚濕龍沙東望長安不見家
月滿穹廬愁似海
強將心事付琵琶

題葡萄

驪龍弄影照高秋萬斛明珠露氣浮
還憶玉人歌舞散
紫駝銀甕出涼州

雜畫
十首

曾記東林信杖藜遠公門對石橋西
長松月落猿聲歇

贏得青山似虎溪

羅浮山水滄江曲水連清溪
樹連屋舊雨仙翁乘興來
荔支應過楊梅熟

溪雲漠漠樹宛宛不是三湘定
輞川花氣曉迷桃葉渡
虹光夜貫朱家船

小甕松花已潑醅縛柴門子夜長
開天寒動有王猷興
應放清溪夜艇回

驚濤一葉海門關秋淺吳楓未著
斑十載宦遊今看畫

澹煙斜日小孤山

不見扁舟採芰荷
天風何處度清歌
芒鞋此日雲門寺
應是鑑湖秋水多

望湖亭上倚清秋水落
吳城樹色幽
何日松巢招五老
九江同泛釣魚舟

愛此名山似蜀中山
如斑笋樹如龍瞿塘幾日漩渦小
欲駕扁舟訪赤松

沾恩幾載入承明
雲冷漁磯白鶴盟
忽見新圖被山惱

欲辭簪組乞歸耕

白鷺洲前野艇歸
釣魚磯上綠楊垂
人間野況都如畫
奈此窮生薄祿為

四皓圖

只合餐芝老萬山
誰教鶴髮動龍顏
蛾眉對酒歌鴻鵠
怨入商林紫翠間

畫梅

四首風
烟雪月

游龍扶風飛上天
明珠萬斛爭春妍
師雄醉夢颯驚覺

羅浮月墮西湖邊

梨花香冷月陰陰
青女橫陳萬玉林
繡箔珠簾人不見
相思無地著春心

小國佳人窈窕娘
春風環珮素綃裳
千年獨抱靈均怨
夜結明璫獻楚王

仙樓十二敞春風
千樹桃花似錦紅
瑤水玉娥清宴罷
素鸞歸去月明中

松

雙松如蓋倚雲長，曾憶匡山問草堂。
拂石坐來龍影濕，半陂春雨茯苓香。

梅

天風吹墮白霓裙，五嶺雲深路不分。
千丈玉階尋步襪，碧牀香落始知君。

嘗草圖

蒺藜勾吻總青青，慚愧春山草木榮。
幾欲騎龍叩天闕，綠章祈雨護黃精。

舞馬圖

霧鬣風鬃錦彩鮮
登牀旋舞更翩翩
青驪祇識連雲棧
不解銜杯獻御筵

送翰林宋先生致仕歸金華

二十
五首

海內才名五十年
聖恩榮許晚歸田
金華父老如相問
曾是瀛洲第一仙

新賜宮衣雪色如
歸榮況及早春初
公卿祖帳都門外
人道風流似二疏

二十餘年侍禁闈趨朝常早晚歸遲春坊一掬臨分淚
記得垂髫受業時

門生日日侍談經獨向孫黃眼尚青幾度背人焚諫草
風灰蝴蝶滿中庭

千載班揚亞六經先生高步續芳聲高麗日本朝王使
長向仙班問姓名

萬丈文光北斗懸清名不獨域中傳雞林買得潛溪集
已向扶桑石上鐫

頭白勲庸列上卿君王豈是重文名朝廷禮樂新寰宇
半是先生撰次成

幾逆龍鱗進治安朝回只說聖恩寬小儒日侍絲綸閣
不得囊中奏稿看

令子內庭書制誥佳孫復作序班郎一門三代沾恩澤
更著錦衣歸故鄉

事業文章滿汗青白頭歸去世緣輕雙溪水繞長松下
只讀楞伽一卷經

紅鞋金帶荔支花三品詞林內相家歸去山中無箇事
瓦瓶春水自煎茶

蓋世文章未是雄真純卓有古人風賜金長是沽春酒
醉殺鄰家桑苧翁

乞與山童潤筆錢歸時正及早春先玉堂分取薇花樹
種在雙溪淺水邊

玉樹芝蘭取次成小孫開歲亦能行懸燈夜讀元朝史
認得前編老祖名

不用黃牛教子孫為儒三世受君恩却將視草堂前筆
歸去題詩水竹村

山僧野客莫相過碑板人間刻已多從此黃庭不須讀
自開池水養羣鵝

榮歸詔許老山垌火棗交梨養性靈秘府圖書翻閱盡
却從方士借丹經

近欲長叅不語禪水雲飛盡月輪圓惟餘一冊龍門子
留與西江學者傳

後學無師誤少年在於黃也更堪憐
聯班欲上陳情表
留取先生住講筵

華髮朱顏六袞餘還鄉猶駕軟輪車
龍江關吏如相識
應止青牛乞著書

祖考榮封寵數優君王親為製詞頭
臨流好起雲章閣
高壓清風八詠樓

羽衣來自大江西打得旌陽鐵柱碑
開道珊瑚纏藥石
碧潭清夜老龍嘶

建業鐘殘禁漏稀九重天上早朝時
玉堂清署風霜冷常恐先生入奏遲

鳳翥龍飛御製文人間未見墨花新
恩榮獨為詞林重親向宮門賜老臣

晚出金闥望故鄉芙蓉峯影月蒼蒼
歸途跨得銀鞍馬原是天閑小乘黃

寄高彬

條風吹綠滿蟾溪蠟屐行春日向西
獨木橋邊烏柏樹

鵲鳩飛上上頭啼

寄王彥舉

綠楊陰下玉驄嘶
絲絡銀瓶帶酒攜
夢入南園聽夜雨
不知身在蔣陵西

寓居傳小樓懷以成

故人何處艤蘭舟
誰念西窓客滯留
賴有姮娥憐寂寞
流光偏照讀書樓

臨清軒題壁

思君幾日不相見
特向城南問隱居
巢鶴不驚流水靜
一爐香炷數編書

憶得 四首

憶得垂髫少小時
青燈黃卷日相隨
于今放浪江湖上
一段閒情總付詩

憶得初年不解愁
藥欄花逕日風流
臨池書罷黃庭帖
走馬城南覓舊遊

憶得栖遲泉石間
衡門無事鎖常關
日長書困南窓下

燕子驚回夢裏閒

憶得曾陪紫府仙
風流儒雅興翛然
夜來貪玩西窓月
花影侵堦尚未眠

龍江夜泊

蔣山山頭秋月明
龍江江上暮潮生
行人又是金陵客
卧聽西風鼓角聲

過揚州 二首

江上垂楊覆白蘋
斜陽啼鳥斷吟魂
朱樓翠箔今何在

一帶寒城鎖暮雲

垂楊白白折殘枝
春盡瓊花作雪飛
少日狂遊今是夢
竹西歌吹舊臺池

下邳

淮南五月叫春鳩
花落清河錦浪流
偏恨寂寥鄉思裏
澹烟寒月下邳州

呂梁洪

驚濤觸石雪潺潺
五月河風尚作寒
問訊南來荆楚客

官船幾日到淮安

聊城

雨浥頽牆草翳空魯連千載見高風
愁來自撚鴉翎箭
日落登城射斷鴻

聊城見荷二首

疎疎寒綠間天香
細雨微風澹曉粧
憶在古原山縣裏
寂寥三載負紅芳

花不成粧藕未乾
嫩紅新葉捲輕寒
官河水落南風小

不似賀家湖上看

武城

獨上荒城野日陰
絃歌千載憶遺音
黃堂皂蓋成塵土
何處春風綠綺琴

過荏平望嶧山

邑敞天寒草殞青
授經誰弔伏生靈
巉巖石刻雖奇古
終慊沙丘混鮑腥

周公

帝子揮戈復故都三監才畧佐鴻圖扶危不仗蒼髯老
誰奉新王六尺孤

范蠡

已作江湖物外仙歸舟誰遣載婵娟登樓有客思傾國
幾度臨風夜不眠

伍子胥

忠言極諫起君猜宰嚭讒行劒賜來從此強吳隨作沼
果然麋鹿走高臺

黃歇

終古天心不可虧
陰謀祇是得傾危
春申便使能成事
只似秦家呂不韋

荊軻

悲歌慷慨髮衝冠
上殿披圖却膽寒
生刼詛盟緣底事
錯將秦政比齊桓

昭陵

萬里山河幾戰征
阿爺機不見先明
春城鼓吹黃金甲

肯伴藩臣奉乃兄

符堅

戰鬪爭雄國作墟
讎民恨不總為魚
誰云未得降王長
先向長安為卜居

二喬

中原落日一星黃
虎躍龍跳有底忙
漳水鳳臺高百尺
小姑何用嫁劉郎

赤壁

百里旌旗蔽楚天黃龍青雀化炎烟可憐釀酒臨江上
正是孫郎躍馬年

魏臺

魏臺金雀舞晴空劒閣雲烟起卧龍詞客倚樓空作賦
不騎羸馬向西東

姑蘇臺

嫋嫋江風泛玉臺荔支香老木瓜開蛾眉不飲盃中酒
日暮閭門野鹿來

靈岩寺

歷廊猶記館娃名
照水荒臺草自青
幾樹芙蓉依水閣
雨餘西子醉初醒

姑蘇開元寺

梵宮春盡落花時
倦鳥猶啼竹樹枝
想見風流唐太守
綠陰滿院坐題詩

望九華山

一葉扁舟渺漠間
白雲飛處九華山
生來自有清幽興

每被微官誤却閒

過赤壁

樓櫓炎烟舊事非
留題孤壁日斜時
周郎慷慨空橫槩
如此江山不賦詩

過荊州

高情長記仲宣樓
醉裏臨風賦倦遊
千載詞華人似玉
客船今日過荊州

巫山

巫山高高知幾重朝雲暮雨楚王宮人心對面有巖險
更勝高唐十二峯

出蜀 二首

白帝秋高木葉黃蜀中長是雨浪浪瞿塘水落漩渦小
一路看山到洛陽

雄風浙浙雨淒淒啼殺春山蜀子規江到岳陽舟楫穩
夢魂從此怯巴西

次張仲舉詩韻 四首

重重疊疊水南峯
五五三三石上松
釣艇蕩歸春雨足
草堂猶有白雲封

江上依稀栗里峯
峯前隱約故園松
征鴻盡向南天沒
不為離人寄一封

遠遊三載別青峯
見畫長思問竹松
歸棹五湖烟水濶
柴門應有落花封

雲連江上九華峯
露沐仙家五粒松
但使風光如畫裏
餘生不羨五侯封

幽居雜詠

七十四首自洪武十一年平原還家作也

仙衣自種一池荷
采采青黃當綺羅
怪底邇來秋氣早
水禽飛去曉霜多

紈綺紛紛幾戰場
閒身贏得水雲鄉
扁舟日暮鳴榔去
付與沙鷗管夕陽

少日三吳樂事饒
木蘭船上醉吹簫
松風驚覺游仙夢
疑是錢塘八月潮

自別瀛洲鶴背寒
石田茅屋歲漫漫
梅花幾樹先春發

猶自金蓮炬照看

學鍊還丹歲月遲要觀滄海倒枯時人間甲子成何事
不似山翁一局棋

偶趁新涼理釣船秋雲映水色澄鮮漁童解撒攔江網
賸得槎頭縮項鱖

淺水漁船學搶風竹竿斜著抗孤蓬青蒲葉底寒波起
吹入蘆花別港中

野老烹雞會四鄰瓦盆盛酒亂無巡風林自奏陽春曲

一日鶯聲到夕曛

遠公蓮社久相招
老大無心到石橋
遙想東林山月出
白猿啼處樹蕭蕭

十載山中讀道經
石壇烟雨桂花生
年來賣藥長安市
漸喜無人識姓名

隱去無心戀歲華
惟同野老問桑麻
門前莫種青青柳
怕有人呼縣令家

酒伴詩僧日見尋
高歌劇飲坐樵陰
留連莫怪盃中盡

賸有床頭舊賜金

高原極目浩茫茫鳥盡遙天若箇長一片夕陽秋草地

不知今古幾興亡

醉裏臨風弔屈原楚吟空賦遠遊篇凌空語意誰能解

千古惟應待我傳

試學鷗夷物外情水雲空濶釣舟橫從來用盡無高策

浪得歸湖范蠡名

終古無名識是非百年高興子陵磯沙鷗不管人間事

細雨斜風自在飛

玉裴仙子住山椒
靜夜能來不待招
莫怪寒林星斗黑
野人疎懶坐相邀

長樂歌鍾醉五侯
滄浪何似泛扁舟
無人解得閒中意
雲滿秋空水自流

厭看桃李媚春陽
最是秋來樂意長
千點黃花數行柳
幽居人道似柴桑

野吟詩句出天成
景物如雲眼底生
白石江頭烏桕樹

夕陽疎雨鵲鳩聲

鶴背腰纏有幾家老陶貧薄太無涯青鞋布襪歸來好
却使無錢對菊花

依山茅屋小於舟吟對風光憶舊遊平地白雲秋萬頃
五湖烟水似揚州

村醪舊甕按新筭四月蠶成麥亦收但使百年都若此
吾今於世亦何求

幽花滿樹酒盈樽白水斜陽度曲村曾憶少陵風雪裏

也曾朝叩富兒門

怪底襄陽孟浩然
蹇驢衝雪踏江天
無人說與寒梅樹
只合開花暖閣邊

幽居僻類杜陵家
春日垂垂橘柚花
花逕今朝緣客掃
磁瓶汲水自煎茶

凍露初開日暈青
長松落雪報新晴
茅簷聞瀑俄驚起
何處鴻門碎玉聲

野人於世本無營
尚有閒功日計程
篋竹縛梯求蜜甬

連宵運水搗香杭

夢覺哦詩醉後眠
春來秋去總茫然
山中厯日從來少
欲倩何人記歲年

本學埋名坐釣磯
誰言天上客星移
前灘水落西風冷
覓得羊裘不敢披

迴塘曲渚月明多
遊女相呼采芰荷
老去風情渾盡減
隔花誰唱竹枝歌

歸休贏得卧中林
坦腹蓬頭綠樹陰
非是葛巾渾忘著

邇來華髮不勝簪

垂柳陰陰護釣磯
溪流盡處著柴扉
時人莫用知名姓
清世林泉老布衣

為報奚童掃綠苔
柴門長日便教開
曉烟晴日鵲聲急
應有故人天上來

勲名本不到旂常
徒得烟霞冷趣長
林下一瓢桑落酒
誰云得及市朝香

書生元亦羨封侯
經世才迂不自由
萬一鶴書求野逸

素琴重到碧山幽

洪武十五年果起用

青年出仕奉明君老去投簪卧白雲千載周顒風致在

北山先自錯移文

桂樹叢生山正幽王孫歲暮儘優游不知招隱緣何事

聒聒風前詠不休

約客聽琴掃石臺竹門吟輒倚風開空山日暮碧雲合

天外美人來不來

卯酒初醒午夢餘南風入戶北窓虛閒身已在羲皇上

到此令人悔讀書

韓子高軒不再逢
草廬長倩落花封
苦無韜畧能匡世
伏枕惟應愧卧龍

淵明千載我知音
縱有冰絃不鼓琴
聞說商於尋綺角
寂寥誰識古人心

雲本無心偶出山
幽林薄暮鳥知還
如何世上驅馳子
只在紅塵擾擾間

故人肥馬衣輕裘
意氣揚揚得自由
林下雨餘苔徑滑

免勞相過碧山幽

多才宋玉久能詩誤對清秋景物悲
湛湛長江楓樹底扁舟正可學鷗夷

最愛徉狂阮嗣宗秋懷當日賦偏工
酣歌裸袒青林下晚歲心期與爾同

容得蕭閒亦已多敢論官綬與漁蓑
東流逝水西流日百歲只消如此過

雨浥琪花落滿牀寂無人到讀書房
閒中不覺青春過

靜裏方知白日長

呼龍種木豈無經
瘞鶴藏書亦有銘
獨對梅花寫遺恨
招魂未續楚騷聲

露氣橫山夕未晞
古松枝冷鶴聲遲
東林日出西溪白
正是仙翁睡熟時

欲鑄鍾期未買金
斷絲寒絙案頭琴
虛堂月底彈清曲
別鶴離鷺自賞音

笑殺仙源避世翁
洞門猶與世人通
臨流莫種桃花樹

惹得春來著處紅

一自衰翁惹世譁川原錦樹斂紅霞
關門不倩烟霞鎖都向春風怨物華

笑殺山陰王子猷凌兢雪夜泛扁舟
地爐滿著松明火芋栗香中酒一甌

梅花不解十分清香影撩人說姓名
林壑未忘居鼎鼎老枝留子待調羹

山顛幽絕人稀到柑子陰涼客屢過
不見晚來傾白墮

小園當奈月明何

幽幽綠樹圍華蓋
聒聒流泉奏玉琴
不必畫堂絲與竹
自然山水有清音

黃菊花開貧不厭
茅柴酒熟醉相呼
平生最愛陶彭澤
風味全然似老夫

柳塘昨夜雨聲急
早起春水欲平橋
放教汀草芊綿綠
添著林花婀娜嬌

春酒獨酌不成醉
可憐溪上百花開
花前幾日南風緊

門外今朝好客來

如花女兒春柳腰
高歌自駕木蘭橈
彎彎纔見初生月
隱隱斜明第四橋

鄰屋白酒近初熟
老子盡日為花忙
將隨粉蝶聯翩舞
欲趁遊蜂上下狂

不覺門外春已過
只說飲酒日豪吟
林花盡褪娟娟色
澗竹都成密密陰

初開草堂三五日
池上鷗鷺日頻來
槐花枝嫩未堪折

楊柳陰疎還更栽

江上好景莫虛度屋邊亂紅今已深不是春風相勾引
道人爭看日攜琴

栢子香消晝景遲坐調元氣學希夷旁人那解玄中意
丈火溫溫只自知

半世為儒好自輕狂歌浪謔鬪詩聲內庭消盡還丹火
傳得江湖說姓名

自入珠宮捧玉宸別招猿鶴作新鄰空林寂靜無來客

金
千載丹楓作老人

廬緣靜盡覺神清對月虛堂煉鶴形
采得石橋花上露
研硃自點石臺經

羽步天壇禮帝居
星文拱北似連珠
寒雲不鎖丹砂井
一夜虹光徹太虛

煉得梅花白雪顏
闕元靜夜浴金丹
呼龍起種春田玉
白日山精倚樹看

蒲團靜坐思窈冥
清晝只誦大洞經
碧壇玄鶴忽飛起

琪花亂落風泠泠

天台二月風景新
石橋流水起龍鱗
美人相約看花去
雲暖洞房仙帳春

丹成八極恣神遊
葢闕風隨鶴騎秋
上苑看花猶一夢
五雲回首帝王州

秋閨思

四首

天上姮娥也可憐
廣寒宮裏夜孤眠
早知人世相思苦
不若移居桂樹邊

涼夜簫聲處處過
玉樓高起逼天河
西風瘦盡梧桐葉
添得西窓月影多

璧月斜明翡翠屏
水花零落點秋螢
夜闌院院垂金鎖
獨立蒼苔望帝星

疎櫺鐵馬亂風飄
火冷金鳧百和銷
怪底芙蓉清漏永
不知何事苦迢迢

閨怨

一百二十四首

憶初癡小嫁君時
只道長年不暫離
鴛被未寒揮別淚

愁來心事情誰知

都門不去亦何妨行色匆匆有底忙欲向碧桃花樹底
牽回白馬紫遊韁

別來初種小桃花艷蕊今成滿樹霞辛苦遠遊成底事
半生贏得負韶華

小園蝴蝶太愁懷作對雙飛趁曉風已逐黃蜂過鄰屋
還隨花片入簾櫳

不恨韶光似水流綠池景色自生愁門前幾樹垂楊柳

日日對啼黃栗留

即黃鵲

一段春愁未易裁
百勞飛去燕飛來
房櫳半掩東廂裏
幾度山櫻落復開

家住長干白下間
黃頭奴子識花顏
欲趁郎船看明月
寒潮惟到小孤還

青年幾許謾狂遊
一種相思兩地愁
早晚郎船發揚子
相迎不憚下瓜州

欲向東風訴別因
四時原自不傷春
熏籠靠著交疏裏

婀娜濃花惱殺人

新燒鉛粉作春紅
病掃雙蛾淡復濃
宮樣雲鬟巧粧束
不知愁裏為誰容

怨殺聯翩白馬蹄
遠馳夫婿路東西
歸來繫在垂楊下
踏破春風錦障泥

寄語多情燕與鶯
莫勞花底弄春聲
千吟萬轉知何益
空使寒閨夢不成

阿玉雙成奉紫姑
自拈香炷禮仙臯
郎騎白馬歸來日

得及庭花未落無

惱殺春山怨子規
風前雨裏幾淒淒
如何只繞深閨樹
不向遊人醉處啼

晚思沉沉倦倚欄
玉簫聲歇酒闌珊
澹雲還掩初生月
誰護梨花作夜寒

睡到黃昏坐到明
只緣君去沒心情
常時欲寄平安字
及至人行寫未成

別眼愁容恁地看
任他塵撲鏡中鸞
腰肢不學昭陽舞

那作羅衣日日寬

生兒不合住京華
綺陌香衢見百花
雲鬢綰成村婦樣
只教夫壻學農家

翠竹陰中栖鳳凰
綠蘋深處浴鴛鴦
迢迢萬里巴江水
比妾春愁分外長

故國園林玉樹新
路旁休聽野花香
尋常世上癡兒女
只重黃金不重人

仙母蟠龍隱玉臺
合歡羅帶下牀開
深房內閣無人到

怎麼春風幕地來

舞女歌兒艷兩川回裙掩面鬪婵娟那堪白馬狂遊日

正是青樓薄倖年

愁寂偏多感物華春寒故故入窓紗無端一夜東風起
吹落庭前夜合花

誰識沅湘路幾千夢魂夜夜到君邊春光不管愁人恨
故傍楓林叫杜鵑

薄寒猶可夜藏闔向晚那堪獨倚樓最是著人添懊惱

海棠枝上月如鉤

繡線針寒不待拈
金爐香燼亦慵添
月移花影偏當戶
風攪遊絲故入簾

昨夜裙腰忽褪圍
清晨蟠子繞深閨
春來吉兆頻頻見
定是遊人此夕歸

試掃雙蛾偶便成
容華今日倍分明
綠楊堤上嘶春雨
莫是吾家白馬聲

見說新隨蜀客船
亂漩渦裏下西川
還聞又向瀟湘去



偏是君山有夜猿

夜漏沉沉似歲長
小鬟貪睡懶添香
春風莫撼流蘇帳
待妾分明夢一場

接得封書妾自開
分明說與便歸來
千回枕上聽春雨
幾度階前掃綠苔

不如嫁與弄潮兒
潮去潮來自有時
誰似阿歡無信準
說歸長是誤歸期

壓夢春愁惜不醒
忽聞剝啄猛然驚
羅裙旋繫開朱戶

原是幽禽啄木聲

舊栽楊柳色毵毵千里渾忘寄一緘
春雁高飛惟向北
不知遊子在江南

腸斷關山路轉迷房櫳風氣冷淒淒
幾回愁倚高樓望
錯認行人到日西

燈不成花夢欲闌素羅衾薄掩春寒
忽聞風響秋千索
夜半倉皇出戶看

雖緣遠別擾憂煎正同心到百年
莫學錢塘蘇小小

又隨人上販茶船

聞說風濤暗洞庭只將心事托神靈
一爐香篆寒星下學誦蓮花妙法經

月斜風細夢初回日掩重門夜却開
花影亂中人影過失驚原是小瓊來

夜靜焚香禮玉娥杏花涼露濕衣羅
幽情不遣旁人解盡是喃喃細語多

聞喚飛瓊學問禪緣何於意獨悃悃
未酬前世鉛華業

來結今生寂寞緣

對盤雙陸打黃金掛樹朱籠賭百禽不是愛他延日子
免教提起別時心

殘春寂寞似深秋風滿簾櫳月滿樓一捻芳心椰子大
若為裝得許多愁

春雲莽莽欲遮天滿眼如雲復似烟明月趕回青嶂外
長風吹到畫堂前

淚似花枝雨點流愁如江上亂雲浮淚盈方朔三千牘

愁滿瞿塘十二樓

青春桃李少年時正好歡娛又別離直到紅顏都去了
却來相對喜成悲

莫入襄陽與洛陽綺羅勾引少年郎歌樓美酒三千斛
舞榭金釵十二行

青樓曲譜怨湘娥半是關山別意多愁緒春來怕絃索
雪兒休更抱雲和

理得粧成坐少時淚痕依舊濕胭脂從今已後無心性

鉛粉常拋不要施

怨女和我黑水河玉環埋恨蜀山坡佳人薄命頭頭是
比較兒身好幾多

月色花香滾滾來不容些子暫開懷杜鵑啼血方停舌
芍藥移陰緊上堦

生來自愧不為儒斂手逢人念起居空有一腔離別恨
倩誰修作萬言書

新愁舊恨積如林欲訴還羞復不禁安得越禽秦吉了

替人終日道勞心

雨態雲容惱殺人
虛無似夢復疑真
陳留子建多才思
莫向江皋賦洛神

春來道是雨浪浪
却又開門見日光
欲啓朱奩看明鏡
頭風半日不成粧

對花誰與擲擲蒲
自倚危闌到日晡
愁裏漏聲遲欲咽
自傾新水入金壺

記得兒孫樂事多
女郎同唱採蓮歌
紫騮嘶入落花去

奈此空閨日暮何

過從要與善為鄰
況復炎涼世態新
不用為他煩惱得
阿歡原是讀書人

為怯琵琶不忍聽
龍香撥子暗塵生
東牆怪底春風過
又是鄰姬按玉箏

細展占書繡閣前
不知速喜定留連
憑誰斷得郎歸日
願與金釵當卜錢

遙天月暈一環紅
明日商量定起風
想怕玉娥心緒亂

故教攔住廣寒宮

已許紅絲繡鏡囊更饒金粉拭清光鏡中神聖知人意
托夢兒家白馬郎

別意空憑遠信傳幾回臨起復纏延天長白雁相將去
知在南雲若箇邊

黃昏也待睡些些月影撩人故故斜簾幙數重花萬疊
愁來只是不能遮

畫籠鸚鵡日啁啾自與離人替說愁戲擲枇杷打金羽

兒夫去後憶儂否

世錄文星苦不齊
我辰生處直孤栖
大都離合原關命
錯怨車輪與馬蹄

朱簾落索掉簾鉤
日裏狂風夜未休
花底過來吹蠟燭
也如人淚一般流

愁裏飛花一夕空
寸心無奈倩神通
閨闈不省文王易
卦落誰知吉與凶

便擬招魂誦楚詞
何緣生別故遲遲
臨風試學巫陽些

金步
偷把驚釵掛竹枝

卷七

春宵誰道直千金
妾獨愁多思不禁
花月只消長惹恨
管絃惟有更傷心

昔聞仙客好幽棲
除却清齋醉似泥
生世不諧遭遠別
妾身何異太常妻

百年夫婦本同心
舊愛新憐夢裏深
料得君非題柱客
枉教人賦白頭吟

少日雙眸炯動人
倚風回顧頰生春
無因暗滴相思淚

減却秋波一半神

午夢驚回是兀誰阿儂偷捻紫簫吹寒聲未斷腸先斷
怨曲將成淚已垂

過眼年光總是愁嫌春春去淚還流荷香柳影淒涼夏
月色蟲聲冷淡秋

碧草初看上玉堦飛花又見點蒼苔年年好景乖人願
懷抱何時得少開

繡閣朝來興頗新試拈錢卜問歸人花言巧語梁間燕

舊館新粧鏡裏塵

怯雨愁花過一春
嬌嬈半是女兒身
朝來逐伴鬪百草
門外天風吹倒人

玉臂無人點守宮
戲拈花瓣貼春紅
香痕忽被風吹落
彷彿逢君是夢中

一從君去負芳春
幾歎容華誤妾身
也似崔徽啼別後
蕭條不及卷中人

供佛清齋折露葵
課經時繞白蓮池
雲鬟祇欠金刀剪

頓是山庵苦行尼

班姬執扇奉餘恩
蔡琰胡笳墜朔塵
此命一生如紙薄
好和孤妾是三人

夜雨偏傷獨睡情
芭蕉點點助寒聲
分明隔著窓兒紙
直向心頭滴到明

村巫市媪莫相過
聞汝深衷衍數多
心似後園金井水
從來不會起風波

採桑隨伴出城隅
不謂途逢使者車
錯把明粧照墟落

賺他駐馬久踟躕

年少離家志未堅
閒雲賸雨滿江天
舟行若過巫山渚
莫向蓬窓白晝眠

枉控朱簾十二鈎
一身何用許高樓
桃花流水隨郎去
只學漁家住小舟

寫得鸞箋數十言
緘成不寄淚如泉
瑤池欲倩西飛鳥
帶到湘靈錦瑟邊

窓紗雲影竹梅霖
冷蕊香凝案上琴
幾日生疎絃上手

愁來無地著春心

心如金鈿只須堅歸早歸遲總信天錯聽幾聲簷外鶻
朝朝江口望郎船

高堂朝夕奉姑嫜冬裏溫湯夏扇涼不是西山春日薄
只拋孤妾亦何妨

悟透單居一味禪丹光如月靜中圓人間若有蓬萊島
也合乘風作女仙

無非祇為隔關山若箇牽纏久未還二十五程荆楚路

順流江水霎時間

臂上紅絲錦作符竈前香火玉為爐
無人為起凌烟閣
畫作紫姑仙女圖

欲掃鸞牋寫綠雲
惟將心思怨夫君
蜀山花竹湘潭雨
杜宇春深獨不聞

婉意柔情似海深
却將離索負光陰
村姝野媪無風致
也解團圞怨藁砧

青草湖邊日欲西
黃梅雨裏鷓鴣啼
江南氣候春來惡

莫聽寒聲助慘懷

生兒豈免涉江湘身世無成恥故鄉
人事由來多錯忤知君不是故相忘

遠路迢迢水隔天流光冉冉箭離絃
惟應自築青陽室學煉還丹駐少年

薄命真成枉嫁郎嫁來三載守空房
鳴鳩語燕皆求匹秋菊春蘭各自芳

翻羨南鄰賣酒姬近來嫁得住家兒
何常蕩著風波性

步步相隨不暫離

金屋長年貯阿嬌
好教虛度幾良宵
尋常未嫁人家女
也向深閨怨寂寥

楚水吳山萬里餘
兩年方見一封書
都來費得鸞箋紙
何處春江無鯉魚

偶弄青梅凭短牆
誰騎白馬傍垂楊
撩雲撥雨來相擾
不是巫山窈窕娘

洞庭暮雨起春波
翠旆金旌帝子過
遙想泊舟明月渚

夜深敬枕聽雲和

放著南來北去舟江波不住也東流良人解得西歸日
可道相思到白頭

濯錦江邊楊柳條浣沙女兒詫裙腰子規啼罷春花落
遊子青驂萬里橋

瞿塘猿聲天上哀白帝城下水如雷百折漩渦人鮪甕

莫著郎船八月來

人鮪甕
在歸州

湘江兒女單紵衣娥皇廟前歌竹枝春來只會閒相惱

不管人家有別離

客程愁雨復愁風
君意憐儂却忘儂
把似相憐不相忘
只消那轉馬頭東

歲歲年年君去家
年年歲歲樹開花
年年君去無消息
歲歲花開感物華

寂寂寥寥紙半張
嗟嗟嘖嘖淚千行
言言語語空相憶
苦苦頻頻更寄將

別恨過於別緒濃
背身斜著倚東風
庭前徧是春花樹

樹樹花開枝上紅

對月臨風不自由
都緣觸景便生愁
春來總是相思夜
夜夜相思月滿樓

暗卜街頭好幾回
連連去語道來來
當樓素月明於練
一任房櫳徹夜開

靈鵲朝來噪屋山
奚童先背錦囊還
銀鞍隱隱穿青柳
珠淚滋滋濕玉顏

春鉛數日不曾施
貼翠塗黃只半時
為報小鬟休罵月

且教留著澹雙眉

相逢錯愕喜傷神
臨到相親且未親
清夜已涼猶秉燭
對君疑是夢中人

執手翻成喜極悲
到來嗚咽淚沾衣
流光去去不相待
落盡春紅君始歸

去年記得打春牛
夫壻歸來上翠樓
醉把春泥揮綵筆
引教春色上簾鉤

訪某駙馬不遇題壁

青春駙馬不還家
公主傳宣坐賜茶
十二碧欄春似海
隔窻間殺碧桃花

闕門書所見

隱隱旌旗颭落暉
方山遙望錦城圍
平蕪一帶香塵合
知是諸王射獵歸

五言絕句一首

臨刑口占

鼙鼓三聲急
西山日又斜
黃泉無客舍
今夜宿誰家

明興雜記云高皇誅藍玉籍其家凡有隻字
往來皆得罪蕡因與玉題一畫故殺之此詩
乃絕命詞也高皇問監殺指揮孫蕡死時何
語指揮以此詩對高皇怒云彼有此好詩汝
乃不復奏而殺之何也竟殺指揮郡邑傳皆
謂蕡死以梅思祖非藍玉豈雜記別有考與
今頌此詩蕡可謂一死生而高皇亦憐才矣

西菴集卷七

欽定四庫全書

集部
西菴集卷八

詳校官庶吉士臣龍廷槐

中書臣劉源溥覆勘

總校官庶吉士臣何思鈞

校對官中書臣王鍾泰

謄錄監生臣蕭椅年

欽定四庫全書

西菴集卷八

明 孫黃 撰

五言排律

朝雲 并序

庚戌十月余與二客自五仙城泛舟遊羅浮道出合江
訪東坡白鶴峯遺址還艤舟西湖小蘇堤下夜登棲禪
寺留宿精舍時薄寒中霜月如畫山深悄無人聲二客

醉卧僧榻上余獨散步東廊壁光皎潔若雪隱約有字
急呼小童篝燈讀之字體流麗飛動似倣衛夫人書法
詩凡十首皆集古語而成者其一曰家住錢塘東復東
偶來江外寄行蹤三湘愁鬢逢秋色半壁殘燈照病容
艷骨已成蘭麝土露華偏濕葢珠宮分明記得還家夢
一路寒山萬木中其二曰妾本錢塘江上住雙垂別淚
越江邊鶴歸華表添新塚燕蹴飛花落舞筵野草怕霜
霜怕日月光如水水如天人間俯仰成今古祇是當時

已惘然其三曰三生石上舊精魂化作陽臺一段雲詞
客有靈應識我碧山如畫又逢君花邊古木翔金雀竹
裏香雲冷翠裙莫向西湖歌此曲清明時節雨紛紛其
四曰東望望春春可憐江離漠漠荇田田遶籬野菜飛
黃蝶糝徑楊花鋪白氈雲近蓬萊長五色鶴歸華表已
千年夢回明月生南浦淚血染成紅杜鵑其五曰浮雲
漠漠草離離淚濕春衫髻脚垂秋水為神玉為骨芙蓉
如面柳如眉鐘隨野艇回孤棹蟬曳殘聲過別枝青塚

路邊南雁盡問君何事到天涯其六曰身前身後事茫
茫惱斷蘇州刺史腸猿帶玉環歸後洞君騎白馬傍垂
楊鶴羣長遠三株樹花氣渾如百和香慚愧情人遠相
訪為郎憔悴却羞郎其七曰孤月無情掛翠巒金爐香
燼漏聲殘雲收雨散知何處鬢亂釵橫特地寒去日漸
多來日少別時容易見時難明朝有約誰先到青鳥殷
勤為探看其八曰杏花疎雨立黃昏金屋無人見淚痕
短鬢欲星愁有效此身雖異性常存關門不鎖寒溪水

環珮空歸月夜魂倚柱尋思倍惆悵夜寒皺玉倩誰溫
其九曰萬紫千紅總是春登臨一度一思君舞低楊柳
樓心月香濕梨花夢裏雲風景蒼蒼多少恨陰蟲切切
不堪聞思君今夜腸應斷書破羊欣白練裙其十曰零
落殘雲倍黯然一身憔悴對花眠南園綠草飛蝴蝶落
日空山怨杜鵑天若有情天亦老月如無恨月長圓此
聲腸斷非今日風景依稀似去年其後復書羅浮王仙
姑月夜過此有感而賦予驚曰此非仙語乃人間意態

也方欲再諦視而燈為北風所滅晦林木淅瀝作山鬼
聲予毛髮森豎不敢久立即還室掩戶踉蹌而卧夢一
美人上衣紅絹衣下繫荷絲裙從花陰中來年可二十
六七奇葩逸麗光奪人目風鬟霧鬢颯然淒冷殆不類
人世中所見者彷彿若有金支翠蕤導從其前後隔水
先聞歌聲似吳人語予側足傾耳竦身聽之則悠揚宛
轉欲斷還續半空松栢作簫笙聲助其清婉而蜚蚓唧
唧為之擊節其詞曰舞衫歌扇舊因緣萬事傷心在眼

前雲物不殊鄉國異夫桃窓下背花眠烟籠寒水月籠
沙誰信流年鬢有華燕子銜將春色去夢中猶記詠梅
花青山隱隱水迢迢客夢都隨歲月消惟有別時今不
忘水邊楊柳赤欄橋杜陵寒食草青青長誦金剛般若
經雨冷雲香弔仙客夢中同躡鳳凰翎遠上寒山石徑
斜宮前楊柳寺前花紅顏未老恩先斷莫怨東風當自
嗟與君別約記杭州山外青山樓外樓屈指別來經幾
載愁心一倍長離憂旅館寒燈獨不眠湘波冷浸一枝

蓮何時最是思君處月落烏啼霜滿天欲寫愁腸媿不
才依稀猶記妙高臺問余別恨知多少已蜀雪消春水
來紫烟衣上繡春雲一樹繁花對古墳辛苦無歡容不
理半緣修道半緣君春愁冉冉帶餘醒珍簾銀床夢不
成知子遠來應有意酷憐風月為多情光陰卒卒一飛
梭怨入東風芳草多舊枕未容春夢斷秦霜楚雨暗相
和身前身後思茫茫秋菊春蘭各吐芳慚愧情人遠相
訪為郎憔悴却羞郎歌已復續勸體詩三首白裕玉郎

寄桃葉金鞍駿馬呼小妾翠眉蟬鬢生別離南園綠草
飛蝴蝶野棠開盡飄香玉細柳新蒲為誰綠忽忽窮愁
泥殺人逢人更唱相思曲瞿塘嘈嘈十二灘遶船明月
江水寒欲隨郎船看明月遊絲落絮春漫漫其聲哀而
不傷怨而有容疊疊而不窮如孤鳳之鳴梧桐雌龍之
吟水中也歌闌予不覺泣下亟趨見之環珮歷落餘音
猶泠然異香馥郁襲人沁入肌骨含涕作羞態已而謂
予曰君知妾之來意耶妾乃錢塘歌者眉山蘇長公妾

也公昔南遷諸侍姬皆雲鳥散去獨妾結衣從之巾櫛
之餘吟弄筆墨粗識其風致晚得酒上比丘尼教誦金
剛釋典頗悟佛法今淪落於茲無所復恨但幽情婉意
鬱鬱無相知者方將鎔金而鑄子期買絲而繡平原江
波悠悠歲月延佇君富有文采思如流泉獨弗能吐胸
中華藻少慰妾之岑寂耶古人有云心誠同隔世通不
投機促膝離千載而下君之情思惟妾知之耳言訖候
忽不見子亦驚覺莫察其由詰旦尋壁間字已漫滅不

可復辨詢之寺僧則曰寺南有王氏朝雲之墓今數百
年矣君蒿悽愴時露光景豈或其餘魂也耶予為怛然
自失者即日既陳椒漿酌之復竊高唐洛神之意為詩
用紀其事凡一百韻悼粉香之零亂寫漠漠之幽姿纏
綿悽惋宛然思婦呻吟之聲非獨以慰朝雲亦聊以自
悼云爾

思斷蘭臺路愁填濯錦川錢塘清楚會金谷狹斜聯少
負碩城譽名居弄玉先十三工寫月二八擅韶年束素宮

腰怯凝脂國色鮮倚風楊柳弱炙日海棠嫣跳脫鬆籠
腕琵琶重安肩塗黃勻漢壓安寫破秦鉛綠水酣潘岳
紅顏惱董賢流霞紅錯落嬌燕掠鞦韆舞壓梨園社歌
翻樂府編彩雲生袖底璧月墮樓前鏡掩三星曙春隨
五馬羈青樓辭女伴瓊珮挹詩仙蠟炬催傳賜烏絲侍
草玄娉婷驚世外風度掩雲邊霜撲果愚畫陰橫粉署
埽逆鱗天咫尺垂翅路三千黛減蛾眉翠第斜蜀國絃
武林牽北望庾嶺入南遷白鶴峯千尺黃茅屋數椽練

裙叅般若彤管搨張顛蜜鯽調蘇合邊爐淪海臚斷霞
丹荔嶼晴雪素馨田妾命真成薄郎行底未旋塵蒙纓
絡串珠顰步搖鈿往事腸堪折殊方瘴莫痊娃童占吉
卜鄰媪訪沉綿楚峽深秋氣羅浮澹曉妍巫陽招古些
卞女泣新阡海氣籠翹鳳嵐光濕鬢蟬封囊留粉恨長
帽斷塵緣隴樹含悽綠經文帶淚鐫雪兒低鶴馭雲母
凍龍涎桃葉生前渡梅花夢裏天蛾旋三昧火鸚弔六
如禪入道應偷藥凌虛想步蓮浴蘭依靜土遺珎贈靈

登天路雲和峭瑤池脉望圓迴鸞珠斗沒驚鵲玉繩偏
木落山精笑苔平石獸眠香雲啼子夜慧魄閔重泉絡
緯傳寒索飛簾捲夕旃譜餘蘇小曲書暗薛濤箋亂緒
紛團結新知永棄捐屏幃空孔雀衿繡冷文鴛清吹羣
真下叢林積水連幽局螢擾擾舊業草芊芊巴舞陳陳椒
醕吳歛裂楮錢霓裳飄蜀雨斑竹點湘煙暮雨從渠濕
春水敢自堅縞衣迷故國華表豎層巔白紵行人唱銀
缸傍舍懸芙蓉羞爛漫蛺蝶舞聯翩繡壤遮王嬙鈎欄

鎮阿甄紅顏多蹇劣清涕莫潺湲在世誰非幻鍾情我
獨憐微生同坎壈幽思久嬋媛禁闥初通籍儒林早備
員詞華翬五鳳幃幄飫三鱣眉目端如畫丰姿美且鬣
鑾坡披奏牘馳道鞭飛駮雅譽傾時輩清流冠吏銓賓
筵陪有客羽獵賦于畋綺席延枚叟蒲車屈鄭虔天顏
却下顧雲路快高騫昔似沖霄鶴今如跼水鷺九關嚴
虎豹平楚落鷹鷂拜命沾三省歸耕困一廛壯心徒激
烈長袖幾翩躚倦泛張騫梗虛轡李廣弦古苔封片石

荒樾卧雙隼草萊臨丹壑柴扉枕碧漣奚童開雀網穉
子縛魚筌白石潘郎鬢青燈子敬羶哀箏開綠蟻雄劍
搏烏犍雨露從枯槁山林且靜便朝真探玉訣觀妙解
名詮丹鼎團龍虎玄龜下澗瀍屋頭杉隱隱庭下竹涓
涓辟荔裁秋服楓香當晚饅關元存太乙文火養純乾
七夕邀金母三山候倕佺醴泉清似玉瓜棗大如拳老
去渾無賴憂來獨惘然有懷通尺素何計索筵尊孤况
憑誰問沖襟待子宣蓮飄知蕙苦藕斷識絲纏慘淡黃

姑渚玲瓏織女躔交疎期屢爽謀拙去何遑畫餅文章
貴嬰兒造化權寧勞褰短褐端合掩真跼病骨相如在
勞心宋玉傳韓憑春寂寂杜宇月娟娟邂逅時將晚淹
留景莫延流星光晻霭雄霓動連蜷艷態千秋隔羈腸
百慮煎錦蕤空薄幙絳節映重淵洛浦凌波襪西湖罨
畫船佳人不可見長誦法華篇

琪林夜宿聯句一百韻

并序

歲六月余還自鍾山與王河東佐尋真郡城琪林因寓

宿東偏之得閒亭亭蓋蕭鍊師之所築去蕊闕三十餘步軒敞清僻遠脫凡境前有茂林嘉卉竹栢之屬野意藹藹是夕夏之望後石尤風節三日澍雨初止星月明朗河東與余焚香淪茗共語疇昔因思年十八九時承先人遺澤得弛負擔過從貴游之列一時聞人相與友善若洛陽李長史仲修鬱林黃別駕楚金東平黃通守庸之武夷王徵士希貢維揚黃長史希文古岡蔡廣文養晦番禺趙進士安中及其弟通判澄徵士訥北平蒲

架閣子丈三山黃進士原善皆斯文表表者也共結詩社南園之曲豪吟劇飲更唱迭和翩然翥鸞鳳鏗爾奏金石而河東與余為同庚情好尤篤歡會未幾殷憂相仍城沿兵火朋從散落河東與余折袂奔走邈不相見凡十餘年乃幸前左轄寶山何公恢復茲郡開署求士而余二人首被禮接因偕從軍西征談笑油幘方甦離索之氣而倥偬又告別矣茲焉時平頌筦清奠余二人者乃復遇於此悵然思痛潸然涕零晤然顧懷猶以為

此身之尚在夢寐中也於是相與披寫情懷聯為韻語
肺腑滂沛莽不知其繁冗人之初生其本無謂庚庚一
形之累鼎鼎百年之間忽焉而蛟龍翔倏爾而蜉蝣伏
將造物者欲賦人以智慧而勞之耶不然何向來哀樂
遷變若是其多也故於終篇遂有御風遺世之意蓋亦
昔人所謂無聊之際而托之以自擴者詰旦因書二通
其一以遺觀長黃翁其一以寄羅浮蕭鍊師云詞曰

紫府黃金榜玄闕白玉京偶尋方外侶佐因識靜中情

夕景低崇闕黃秋光澹列甍宛聞天籟杳佐渾覺世塵

清縹緲真下黃森羅萬象呈勾陳聯上界佐析木近

前榮竹炫湘川葉黃荃揚楚畹英旂幢行道影佐環珮

步虛聲桂露蟾光濕黃松濤鶴夢驚古囊緘綠綺佐陰

壁倚蒼精淨几從容凭黃佳篇取次賡奚童髻髮秀佐

仙客瑩衣輕頓使心期曠黃從知境界宏堂因衆妙扁

佐軒以得閑名宴坐咸嘉會黃興言憶舊盟丰姿初得

覩佐懷抱即相傾友誼芝蘭契黃文聲鐵石錚鄉關雖

異縣佐年齒幸同庚才邁誰能匹黃情親我所兄長遊
期楚蜀佐任俠擬幽并雅結南園社黃狂為北郭行山
風紅蕊撥佐野日錦繁纓博帶皆時彥黃高筵即上卿
柳塘時睡鴨佐杏園暖啼鶯南內霓裳曲黃梁川雁柱
箏風流追謝朓佐俊逸到陰鏗刻燭催長句黃飛籌促
巨觥歡娛隨地有佐意氣札霄峥樂事俄成夢黃憂端
忽謾生秦樓絲管歇佐越嶠鼓鞀鉤培塿封屯蟻黃滄
溟吼怒鯨孤城尋劫火佐萬姓轉饑阡奔走羞徒步黃

艱危學避兵彭衙愁杜甫

佐

戰國老侯嬴袖貯生毛刺

黃家餘折脚鐺嬌嬰須橡栗

佐

鄰姬遺蔓菁舊綉裁新

褐

黃

寒燈翳短檠苦心灰一寸

佐

吟鬢雪千莖養志悲

華黍

黃

傷時賦伐櫻草玄供寂寞

佐

居素保幽貞世態

何多易

黃

人情凡幾更鴛鴦先歷塊

佐

嫫母妬傾城康

瓠迷周鼎

黃

淫哇亂帝謨含沙叢毒蠅

佐

觸氣捷飛蟲

默處憂心悄

黃

傍觀怒目瞳猛然思奮迅

佐

鬱爾困拘

羈旅邸榮枯枕

黃

秋棋黑白枰正懷三月弔

佐

復有二

天幟左相通書速

黃

羣僚倒屣迎劇談勞過許

佐

吾道

賴遙亨楚楚紅蓮幙

黃

團團翠柳營前茅瞻白羽

佐

後

勁擁玄旌尚想從軍樂

黃

深慚待士誠價酬千里駿

佐

食共五侯鯖祖逖心何壯

黃

陳琳伎善鳴聞雞三尺動

佐

倚馬萬言成勲業祇如此

黃

行藏莫重評島夷新版

籍

佐

煙雨舊紉局鳳歷頒洪武

黃

鴻圖啓大明包茅輸

禹貢

佐

卉服入周正黃道三台正

黃

蒼穹八柱擎文臣

登稷契

佐

武將拜韓彭恢拓神應助

黃

提封孰敢爭大

荒空朔漠

佐

平楚路攬槍閭土妖氛淨

黃

鍾陵王氣橫

隆恩光岳瀆

佐

至禮慶宗祊貔虎分環衛

黃

蛟龍對拱

楹河沉漢后壁

佐

廟列呂公橫交趾來馴象

黃

雕題進

語鸚堪興欣有戴

佐

師旅遂無征邊翰開華省

黃

名臣

秉重衡遠猷資上士

佐

深惠治疲氓自念予生息

黃

于

今覩治平屠羊安返肆

佐

買犢事歸耕栗里山無數

黃

桃源水一泓墾田先種秫

佐

結屋便株蕒故作深林隔

黃還從曲港紫風蘿猿疊疊

佐

雲木鳥嚶嚶徑狹交平

仲

黃

洲迴接杜蘅斷崖敲削鍊

佐

懸瀑碎飛瓊冉冉松

吹粉

黃

娟娟筍脫綳草寒愁格磔

佐

沙霽喜鷓鴣漁網

溪童結

黃

未船稚子撐物情俱自得

佐

吾意豈求羸藥

裹從堆案

黃

書籤或滿棚繩床低窄兀

佐

石鼎小彭脰

隱具家粗足

黃

閒工日計程梯岩探野蜜

佐

堰水搗香

杭紫斲蹲鴟芋

黃

紅收薦蟹橙缺籬添補竹

佐

荒圃勝

移檉陶令茅柴酒

黃

東坡骨董羹任真形放浪

佐

坐懶

髮鬢髻更學丹砂訣

黃

長離世網嬰御風求抱朴

佐

縮

地候茅盈綺食青精飯

黃

黃茅紫石瑛凌虛朝日表

佐

觀化睨天晴蠢蠢哀羣動

黃

飄飄隘八紘瑤池傳鳥信

佐維嶺度鸞笙弱水秋初淺

黃

清都夜正晴寄言蕭羽

士佐來此共蓬瀛

黃

西菴集卷八

欽定四庫全書

西菴集卷九

明 孫黃 撰

文

祭竈文

洪武戊午臘月下澣二十有四日玄陰告晏景翳虞淵
雲斂高漢斗斜孟陬室辟有煥孫子徙倚南軒弭節寄
傲女流喧譁方夜祀竈詢其所由則進對曰今茲之夕

逼迫歲除竈神趣駕入觀清都紀人善惡上達帝居宸
旒翼翼有嚴走趨文昌桂籍廷尉玉符雷師鼓筆太乙
啓書疏名某某以定賞誅吾儕小人職主中饋瓢長杓
短米賤鹽貴奴婢笑嗔雞鳴犬吠柴荆狼藉毛血腥穢
晨昏歲時多負罪愧匪神包容恐獲罪戾霓旌戒路蒞
闕洞開角耀黃道符平泰階東井振鐸良風徐來飛廉
前導列缺後推爰羅酒漿亦進籩豆錫糖馨香菜果鮮
茂鸞鴨全牲糒糕美糗飲神醉飽楮鏹為壽口甜舌甘

便利進奏矜恕愚頑庶蒙曲覆孫子曰嘻有是耶盍早
語余鬱陶余衷久欲上訴倘因神明得列其故於是拂
裳正巾屏息凝顧仰天叩頭望竈進步數欽陳詞神聽
無怒惟神名列五祀德具五行功存既濟位配離明調
和鼎鼎烹飪穀蒸翕忽變化惟神之能司人之命實託
死生老幼耄艾惟神是憑其在孔經于夏有事迎尸奧
堂儼若禋祀非時媚瀆犯諂違義臣之於神其缺畧也
多矣茲者乃聞神以歲終將入述職上天明明考績黜

陟送行餽贐神所不斤少君之祠神憫其癖王孫之諷
神怒其激神寬以仁好是正直稱觴表誠并獻臣臆臣
少薄祐零丁羈孤佩服先訓忝名為儒遠祖顏孟近師
程朱立志不羣抱道匪渝弘深典謨詰屈盤詰連山歸
藏卦象精到羣葩分敷列宿穹昊騷然而響莊荒而傲
班范旁通荀揚曲造昭彰隱微洞徹突奧懸燈牆壁蓄
火爐竈詰朝喃喃達曙叫噪臣之於讀書可謂勤矣靈
臺丹府性之郭郭徽猷懿行人之天爵湛然內觀秋月

灼爍盎然外和春靄林薄雲影天光鳶飛魚躍浮烟斂
散青山猶昨軒庭雨餘草色如濯臣之於性理亦畧通
矣發舒蘊積學為詞章文檄藻繪詩詠鳳凰韓筋柳骨
玉潔金光鋪天炫耀擲地鏗鏘鸞堂鳳閣冠冕琳琅綠
窻青瑣粉艷蘭香閒雲野水慘淡微茫牛神蛇鬼百怪
千狂曹劉錯愕董賈回惶海若宵哭山精畫箴臣之為
文可謂有成矣荒雞一鳴播水運箒趨蹌堂庭問候安
否歲時伏臘親姻具有既慈妻子復愛朋友切磨童稚

理義盈口恩養與隸食均衣厚浮雲市金不羨玉斗峻
節清霜寧慙甕牖臣之於內行可謂無愧矣恭承嘉澤
惠此眇軀天庭冠玉地角秀鬚襲衣魏冠玉佩瓊琚周
旋步武規矩不渝臣之外貌可謂不俗矣英英其貌濯
濯其儀身長七尺六寸有奇人不識字臣吐珠璣人不
能言臣如墮甕識雖固陋不為無知材雖朴鈍亦足有
為行逢羸餓如箭入肌嫉視奸邪眼火發輝思展抱負
試于清時朝登金門暮集鳳池致君堯舜還俗雍熙臣

之立志可謂寥廓曠絕而不凡矣然而時命大謬進退
惟鞠圖封得黥獻璞遭辱山非太行車折其軸水非瞿
塘舟破其斛陽和徧地不被槁木赫曦流金不照沍谷
叨領鄉薦頭彎工局佐令淮陽塵隨馬足一入詞林旋
罹斥逐之官濟上還尋治獄對欺臺端拘攣瑟縮論輸
左校親忝板築猶賴仁恩得解桎梏餘生幸存殘喘僅
續委頓風埃顛連水陸越山之陽瘴海之曲荆榛為門
茅草為屋寒衣結鶉饑飯脫粟嚴冬露肘稔歲枵腹心

推意沮魄畔神促醜顏細君取笑僮僕撫跡如此何賦
予之酷與臣聞氣運之塞有時而通屈若尺蠖奮若冥
鴻相彼萬類天無不容鼠安于穴蟻樂于封蒺藜膏雨
勾吻春風鄙瑣齷齪飽鮮醢醢絲粟么麼曳紫紆紅不
論巧拙祇繫其逢臣獨何人坐此困窮今臣年甫不惑
未踰知命寒心雖灰宿志猶勁威如怒彪氣如炊甑寧
甘溝壑殞絕其性嗟來可食蒙袂斯病焚山可出抱樹
非正舖糟啜醢剗彩埋瑩與時推遷乃道之聖臣欲抑

氣變志改轍更絃毀裂冠冕焚棄簡編鄧林擲槩麗水
投鉛言歸軟美步習輕便突梯婉孌媚俗稱賢左擇豪
曹右挽繁弱臣學班超建功大漠萬里開邊三時錫爵
揚威玉關圖畫麟閣黃金璀璨白玉輝煌臣學齊奴起
第洛陽朋遊滿座女艷成行雲攢綺縠鼎沸笙簧綠幘
蒙頭蒼鷹在手臣學董賢徜徉花柳登塲鬪雞擊鞠賭
狗結交醉徒終日飲酒白虹貫日黃霧塞空臣學五侯
同日受封車如流水馬如游龍氣凌七貴坐壓三公載

膏其轅載秣其馬臣學子長徧歷天下楚水秦山燕都
越野狂遊縱觀胸次披寫龍蟠丹鼎竊唳紫煙臣學方
朔去為神仙日邊蓬萊海上樓船憑凌八極瞬息千年
撥車叅禪含光蓄耀臣學達摩靜觀衆妙天垂寶花日
麗靈竅塵空道成萬古凝照盡以臣之勲業束置高閣
回舟洙泗輟棹關洛望罷伊周結交管樂放意舒顏解
粘釋縛逍遙為城浩蕩為郭滔乎大荒亦孔之樂天鑒
伊邇必從臣求神明有靈可達此否下民之疾上帝之

憂神之聽之無作神羞言訖再拜俯伏俟命潛心默存
側耳靜聽時夜將半霜露淒淒勾陳影轉析木光低缺
月入戶靈風振幃車從雜遝若神來歸恍惚夢寐有告
余曰嗟爾來前帝有德音爾其聽之罔敢弗欽帝聽爾
詞懇至悽惻金童嗟嗟玉女嘖嘖爾詞雖苦運則未通
身若泛梗意如飄風凡民之生命各有定祥灾吉凶順
受其正貴賤脩短莫非自然枉道妄求徒取咎愆盜跖
之壽顏回之夭交錯紛紜非爾能曉匪仁莫據匪義莫

依此爾之分爾其安之爾雖不豐亦未為薄遽廬夢中
獨爾先覺醢雞螻蟻所得幾何爾於造化取適已多豁
爾殷憂弘爾高識配以大中以受多福言訖更窮去影
遄息予起拜命服之無數

詞

關敏廟詞

風英英兮龍堂海窈影兮雲流芳蜀椒佩兮越紵囊中
牢穀兮交桂漿新宮歲歲兮侯故鄉侯船來遲兮我心

傷忠零連兮既展困羣氛兮未遠采青菱兮驚波延素
月兮烟苑以身易名兮樹此孤寒哀如飄風兮山宿之
顯枇杷青兮金斗黃千秋萬夏兮侯食此邦雲旌旗兮
雨干將佑正直兮誅姦狂臯歸乎來兮噫侯可忘

飛仙歸來詞

并序

武林朱以方隱居好詞章尚奇嗜古之士也寓越之
河陽作亭樹以竹木畜胎禽三數羣玄白輝映旦放
于海山之曲暮則揮白羽扇以招之題曰招鶴軒予

惜其有聲無文故為作飛仙歸來詞以助其嗶呼之
音詞曰

飛仙兮歸來無徘徊乎臨臯蜀江雪落灘嘈嘈潛龍起
舞風怒號霜明赤壁山月高瓊琚仙翁夢魂勞飛仙兮
歸來無客與乎青田春龍破玉耕紫煙羣仙環珮聲鏘
然思乘逸響盤九天羽衣不得長踰躔飛仙兮歸來無
留戀乎高軒華衣巍冠多禍愆漳河之水流潺湲商都
綠草生芊綿崇居廣廈不可以久延飛仙兮歸來無嘹

唳乎華亭琳琅金薤慚世英文章錦綺身後名終古白
璧多青蠅三吳雲間不可以久寧飛仙兮歸來無浩蕩
乎遼海離家一去三千載蜃氣豈風晦文采華表凌寒
欲誰待城郭如故人民改飛仙兮歸來歸翱翔乎餘杭
武林水綠山青蒼海潮八月來錢塘潮頭白馬神龍驤
西湖海風菱芡香三高琪樹可以棲玄裳飛仙兮歸來
歸同隱于越山臨清屠蘇雲半間晴窓月榭開雕欄前
楹翠筠玉珊珊素琴鳴絲朝罷彈匏樽濁酒可和顏衣

汝以五彩之春雲食汝以百斛之琅玕軒庭不驚樂且閒飛仙歸來莫盤桓


和歸去來辭

自平原
回作

歸去來兮離家十年今始歸返故園之初服抱去國之
餘悲慕古人之遠引高風邈其難追嗟弱齡之味道及
暮齒而知非迴獨軫於脩途振江海之輕衣望松楸其
匪遠睇桑梓之依微爰憇我馬自茲驚奔復掃花徑重
開扉門朋舊載過宗族具存既列琴瑟亦羅匏樽俯清

泉以濯足蔭嘉樹而怡顏喜塵緣之靜盡覺靈府之間
安挹涼風以抗牖延素月而開闢極林野之清娛縱卉
木之奇觀歲將闌而獨往日既夕而忘還感風霜之交
集立檜栢之桓桓歸去來兮罷吳楚之宦遊撫四方者
倦矣獲素願兮奚求窮歲時以靜賞攄夙昔之煩憂侶
漁樵於山澤服稼穡於田疇心淡止水身如虛舟慰佳
辰以雅集散遐矚於高丘慨吾年之日邁閱逸景之星
流守窮閭以待盡依先隴之餘休已矣乎人生會遇良

有時丹崖綠壑不少留世路如此將安之心與造物遊
全歸以為期間桑麻於井里課僮僕之耘耔飲柴桑之
薄酒詠秋菊之新詩信流行與坎止達生委運其何疑



西菴集卷九